

NAJUKKAMIK ATAATSIMIITITALIAQ: UUMMANNAQ



Avannaata
Kommunia

ILEQQUUSUMIK ATAATSIMIINNEQ Tallimangorneq 19. august 2022 nal: 14:00

Peqataasut:

Sakio Fleischer, Siulittaasq
Elisabeth Nielsen,
Maria Nielsen
Aviaaja Gr. Sigurdsen
Ane Zeeb Pjettursson

Aqutsisoq: Sakio Fleischer
Peqataangitsut: [Ateq]
Immikkut aggersakkat: [Ateq]
Ingerlannaera: [Ingerlanneqarfiata allaaserineqarnera.]

Aqutsisoq: Sakio Fleischer, Siulittaasq
Imaqarniliortoq: Makkak Markussen

Ullormut oqaluuserisassat:

1. Aningaasaliissutinut killiffik
 2. Peqqinneq- Sunngiffimmi aqutsisup "Fonde-nik " qinnuteqariaaseq pillugu ilisimatitsinera
 3. Innuttaasunik saleersuartitsinissap ullulernissaa
 4. Qinngutit ikkunnissaanut.
 5. Umiatsiat snescooterit assingisaallu nunaminertamik akuersissuteqangittut eqqaannarneqarsinnaappat?
 6. Takornariaqarnermut- Inuutissarsiutinullu suleqatigiisitami peqataasartussamik toqqaanissaq
 7. Aqqusernit oqimaattunik ingerlaffigineqarnermikkut putoorneqartarneri.
- Atsiorfissaq 5

Aalajangiineq:

Akuerineqarput.

1. Aningaasaliissutitut killiffik

Aningaasaliissutaasuni kr. 778.000,- ukioq aningaasartuutissatut akuerineqarnikut :

- | | |
|--|----------------------|
| • Uummannap avammut saqqumminerulernissaanik immiussineq | kr. 30.000,- |
| • Peqqinneq- Sunngiffimmut Maj peqqissuusamut tapiissutit | kr. 29.400,- |
| • Inuiattut ullorsiornermut tapiissutit | kr. 20.000,- |
| • Josef & Nick tusarnaartitsinerinut | kr. 5.000,- |
| • Qaqqakkoortarfiup qullilersornera (suli akiligassaq tiguneqanngilaq) | kr. 103.200,-(suli) |
| • Juullerpaluttut ikkuffii ukioq manna akiligassap affai aningaasartuutaassussat | kr. 139.500,- (suli) |
| • Puttasut (flydebroer) tikisinnerinut 7/6-22 akuerineqartut | kr. 191.490,- (suli) |
| • Katillugit | kr. 517.590,- |

Aalajangiineq:

Aningaasartuutaajumaartusut seqernup naggammik nuinera, juullerpalaartitsineq, orpiullu ikinnissaanut aningaasartuutaajumaartussat qassiussaneri missigersuusiorneqassapput. Aningaasaliissutit killiffiat tusaatissatut tiguneqarpoq.

2. Peqqinneq- Sunngiffimmi aqutsisup "Fonde-nut" tapiissutinik qinnuteqariaaseq pillugu ilisimatitsinera

Peqqinneq- Sunngiffimmi aqutsisoq Peter Mathiessen "Fonde-nut" aningaasanik qinnuteqariaatsimut pikkorissartinneqarnikuvoq, suleriuserlu pillugu Najukkami Ataatsimiititaliamut saqqummiinissani kissaatigimmagu siulittaasup akuerisimavaa.

Aalajangiineq:

Periarfissat saqqummiussorneqartut soqutigineqarput, kingusinnerusukkullu naapeqqeqatigiissutiginnissaa aalajangiunneqarluni.

3. Innuttaasunik saleersuartsinissap ullulernissaa.

Inuiattut ullorsiunngilaataani innuttaasunik saleersuarititsinissaq 11. juni pisussaangaluarnikoq eqqaavissuup ulikkaarpallaarnera pissutingalugu kinguartinneqarsimavoq augustip qaammataani pisussanngorlugu.

Aalajangiineq:

September qaammammut inissinneqarpoq atortussat utaqqineqarmata.

4. Qinngutit suli ullumimut ikkunneqarnikuunngittut ikkunneqartariaqarput, sumiissappat?

Qinngutit tikisinneqaramilli suli ullumimut ikkunneqarnikuunngillat, Rema-illu qulaani ikkunneqarnissai qinnuteqaatigineqarnikuungaluarpoq imeqarfiulli killeqarfiata iluaniimmat itingartinneqarnikuulluni. Allamut inaalinnissai aalajangiiffigineqassapput.

Aalajangiineq:

Qallunnguup qaavanut aapaa ikkunneqassaaq, aappaa kingusinnerusukkut aalajangiiffigineqassaaq.

5. Umiatsiaq snescooterit assingisaallu nunaminertamik akuersissuteqangittut (Ane Z. Pjettursson)

Nalungeriikkatsituut illoqarfitsinni nunaminertaatillit nunaminertaatiminnut ilisaqarsinnaatitaapput, nunaminertaateqaraannilu umiatsiaq snescooterit assingisaallu allat pingisat ilineqarsinnaaput. Aasaq manlu takuneqarsinaasumik innutaasunik tamanik pingisat inaalissoqquneqarput, pappilissanik allangartalersuinikkut.

Taakkualu ilarpassui qisuariarfingineqangittut amerlapput takusinnaasatsituut.

Nunaminertaateqangippatalu qinnuteqarsimangippatalu ukiullu ikattut sivirusumik uninngasimappata soq ingiinnarneqarsinnaanngillat?

Assut eqqarsaatingisarakku, asuli ilioraanginnartoqarsinnaanngimmat qaammarsaavigineqartariaqalersoralugu imaluunniit paasisutissatut innutaasunut tamanut nassiussuunneqartariaqarsorinarsilerluni. Paasititsissutingineqarnissaa sumik arlaanik annertulaamik ilisaqassangaanni nunaminertaateqartariaqarneq. Saleersuarnissaa augutsimut kinguartinnikuusoringakku aamma taanna qaammarsaatitut qaqikkusunnaq.

Kingunerisinnaangaluaramiuk "Pingineerunnikut inginneqarsinnaalernissaat? Imaluunniit illoqarfiup takujuminarnerulernissaa? Qaammarsaassutingineqarnerulernissaa pisariaqarmat.

(Driftsleder ataatsimiinnermi aggersarneqassaaq)

Aalajangiineq:

Driftsleder ilisimatitsivoq atortuutit uninngaannartunut piaanissamut malittassanik peqartoq. Lastbiilit gummiged-illu nutaat tikippata piiaallutik aallartittussaapput.

6. Takornariaqarnermut- Inuussutissarsiornermullu suleqatigiissitami peqataasartussamik toqqaanissaaq:

Najukkami Ataatsimiititaliami qinigaaffiup siuliani Elisabeth Nielsen peqataasartussatut toqqangaanikuuvoq, maannakkullu nutaamik toqqaasoqartussaassaaq.

Aalajangiineq:

Ane Zeeb Pjettursson toqqarneqarpoq.

7. Aqqusernit oqimaattunik ingerlaffigineqarnermikkut putoorneqartarneri: (Ane Z. Pjettursson)

Takusinnaasattut aqqusineq aqqissussamaalersimavaat. Tamannalu tunngavingalugu suliffeqarfissuit sulisut oqimaattunik usillutik aqqusermut putoorisut pillungit tallianimut ataatsimiinnissamut imaluunniit maanna isummerfissamik allattariaqarpunga aqqusineq illersornerusariaqarmat. Aqqusineq aqqissorneqareersimalerpat biilerujussuit angisuut usisaqartillugit aqqusermik aserorterissutaasinnaasut, putoorissutaasinnaalertussallu angallanneqaraangata aqqusersulaartarnissaannut aserornaveeqqutissaanik aqqusernup. Putuulillaraangata biilertuulluni aammalu kusanangittupilussuannngortarneri pinngittoortinniarlugu isummerfissassinnik nassiussivunga.

Aalajangiineq:

Aqqusernit sioqqersorneqarnerini sioqqat kuuffinnut milikartitsillutik ajoqutaassarmata allanik ikiuunerani ujaraaqqanik atorneqartartussanik inniminniisoqartussaavoq. Amutsiviup silataani angallatit atorneqaratik uninngaannartut peeriarlugit inaat nunaminertaq avammut ilaneqarsinnaanera eqqaaneqarpoq. Eqqaavissuarmullu tunngatillugu Fondinut qinnuteqarnikkut aamma iluaqutaasinnaassammat tamakkua eqqumaffigineqarnissaat inassutigineqarluni.

Atsiorfissaq:

Sakio Fleischer, Siulittaasoq

Elisabeth Nielsen

Maria Nielsen

Aviaaja Gr. Sigurdsen

Ane Zeeb Pjettursson
